



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESIBILI (P2)

LWETI 2013

IMEMORANDAMU

EMAMAKI: 80

Lememorandamu inemakhasi la-22.

TICONDZISO TEKUMAKA

- Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela. (Umhlolwa akumelanga aphendvule indzabambhalo kanye nemibuto lemifisha encwadzini yinye.)
- Esigabeni A (Lulwimi Lwasekhaya neLulwimi Lwekucala Lwekwengeta), nangabe umhlolwa aphendvule ngato tonkhe totine tinkondlo, maka letimbili tekucala kuphela.
- Esigabeni B na C (Lulwimi Lwasekhaya), uma umhlolwa aphendvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyekele lelandzelako. Nangabe umhlolwa aphendvule yomine imibuto, maka kuphela imphendvulo yembuto wekucala kuleso naleso sigaba, nangabe aphendvule munye umbuto lonemibuto lemifisha namunye umbuto wendzabambhalo. Nangabe umhlolwa anika timphendvulo letimbili kantsi yekucala ineliphutsa ibe yesibili ayinaliphutsa, maka imphendvulo yekucala kuphela uyekele lelandzelako.
- Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
- Nangabe tinombolo tetimphendvulo tinemaphutsa, maka ulandzele imemorandamu.
- Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, kunganikwa limaki.
- Umbuto wendzabambhalo: Nangabe indzabambhalo inemagama langaphasi kwalawo lemisiwe, umhlolwa angajeziswa ngobe vele sewutijezise yena ngekwakhe. Nangabe indzabambhalo iyindze kakhulu, umhlolwa akavunyelwe kwengca ngemagama la-30 ngetulu kwelinani lelimisiwe lemagama bese **incenye lelandzelako yendzabambhalo ayisanakwa.**
- Imibuto lemifisha: Nangabe umhlolwa angafaki bokhulumile nangabe kufanele acaphune **akangajeziswa.**
- Imibuto lefuna timphendvulo letifuna LICINISO/LIPHUTSA, nobe LIPHUZU/UMBONO, limaki kumele lehlukaniswe emkhatsini, i.e. nika linye limaki, leLICINISO/LIPHUTSA, nobe LIPHUZU/UMBONO kantsi futsi limaki lesizatfu/kwesekela/kucaphuna kumele linikwe **kuphela** nangabe incenye yemibuto yeLICINISO/LIPHUTSA, nobe LIPHUZU/UMBONO ingenaliphutsa. (Kungabonikwa limaki embutweni lofuna kwesekela nobe inchazelo (LICINISO/LIPHUTSA, nobe LIPHUZU/UMBONO) lobewuvele uneliphutsa kwasekucaleni).
- Imibuto lenetimphendvulo lapho kufanele ukhetse yinye khona ingabobekwa ngendlela lephikako.

SIGABA A: TINKONDLO**TINKONDLO LETIFUNDVWE EKLASINI****UMBUTO 1**

Buhle nebubi baloko sonkondlo lokwamenta abhale lenkondlo.

SINGENISO:

Bahlolwa balindzelwe kutsi baphawule kafisha ngaloku lokulandzelako:

- Kuchaza sihloko kafisha, sib. Sonkondlo akamane abhale inkondlo nje, kuba khona lokumchubako kutsi ayibhale. Loko kungaba kuhle kumbe kube kubi.
- Basho nangabe kulenkondlo labayihlatiyako, kukhona yini lokwachuba sonkondlo kutsi abhale lenkondlo.
- Ngabe kubi nobe kuhle kumbe kubi kuphindze kube kuhle?

UMTIMBA:

- Yini lechube sonkondlo kubhala lenkondlo, sib.
 - ❖ Lokubi: Umoya wekugceka loko lokwentiwa sitimela ngekwehlukanisa bantfu netinini tabo.
Nobe sesihamba nabo unomphela asibatjeli.
Lusizi lolwabangwa yingoti leyacedza bantfu eBhova
Bantfwana baphendvuka tintsandzane
Emakhosikati aba bafelokati
Basebenti bafela etigangeni
Balinyatwa, babulawe ngulokubasitako
Bubi bendzawo yasebhova lapho sitimela sihamba khona.
 - ❖ Lokuhle: Lusito lwesitimela ngekwetfwala bantfu sibayise lapho bafuna kuya khona.
Lokuhle kutsi sibatfwala ngebunyenti.
Kudvumisa indlela lesihamba ngayo.
Sitimela sitfwala basebenti njalo nakucala inyanga sibayise etimayini lapho basebenta khona nekubalandza nakuphela inyanga

SIPHETFO:

Bahlolwa abaphawule kutsi lenkondlo iwuveta ngalokucacile umoya nobe lusinga lebeluvuke sonkondlo nakabhala inkondlo yakhe, basho nekusho kutsi lomoya umbhacambili, unebuhle nebubi.

BONA EMARUBHRIKI EKUMAKWA KWENDZABAMBHALO SICHIBIYELO A**[10]****NOBE**

UMBUTO 2: TIMPHENDVULO TEMIBUTO LEMIFISHA

- 2.1 Sililo/Inkondlosililo/**yi-eleji/yinkondlo lekhuluma ngekufa.** (1)
- 2.2 Libhokisi lemngcwabo lapho kufakwa khona sidvumbu/ **Libhokisi/ luhlaka/yindlu yemufi.** (1)
- 2.3 Kusho kwekutsi nangabe umuntfu ashona, sidvumbu sakhe sitawungcwatjwa emhlabatsini kepha umphefumulo wakhe wona utawuhamba uye eZulwini, **(imibono itawehluka ibe ihambelana nesitatimende lesibekiwe).** (1)
- 2.4 Sifanangwaca/Sifanamsindvo/ **Sifanamsindvo sabongwaca.** (1)
- 2.5 Sibumbene nenkondlo ngobe nakhona enkonzweni yemngcwabo kusengiwo umtsimba wekugcina wemuntfu loshonile, nobe nje lesihloko sibonakala shengatsi sisho lokuhle njengobe nje lomunye angasho kwekutsi tingelozu/emadloti latfokotela lona longcwatjwako, asemukelwa kuleliya live. (2)
- 2.6 Ngumnumzane welikhaya lomdvuna ngobe lapha enkondlweni bayasho kwekutsi kukhona lozilile losekagcoke inzilo/ **Iwile insika yelikhaya.** Umuntfu lomdvuna akagcoki abe mnyama. (Kwehlukana kwemibono). (2)
- 2.7 Bubi bekufa kutsi nakushone umtali lowondla umuti wakhe kuba kubi kakhulu ngobe umufi ushiya tintsandzane lesetite umuntfu lotatondla nebantfwana balahlekelwe ngematfuba abo ekufundza/ Tihlobo nebangani ngeke tiphidze timbone/**Kuvuka kucabana emndenini/Inhlupheko/Kufa kwelikhaya.** Buhle kutsi bantfu labanyenti lomuhla sebvula emabhizinisi ekungcwaba, bacashile, bavule ematfuba emisebenti/Uphumulile etinhlungwini letingahle betimphetse/**(imibono itawehluka ibe ihambelana nebuhle nebubi bekufa).** (2)

[10]**NOBE****UMBUTO 3**

- 3.1 Lentfombi kushiwo mabonakhashane, ngako-ke tinyenti kabi tilwimi letikhulunywako kumabonakhashane/**Ukhuluma tonkhe tilwimi.** (1)
- 3.2 Sitfo semtimba wemuntfu/**Titfo tebantfu.** (1)
- 3.3 Sizatfu lesicinile kutsi lapha kumabonakhashane kusuke kutsengiswa nakudlalwa tikhangisi letinhlobonhlobo/**Nobe wena ungafuni kutsi kukhangiswe, bona bakhangisa ngenkhani/Nobe awufuni kutsenga uyatibona letikhangisi.** (1)
- 3.4 Kunemvumelwanosicalo/Luchumanosigcino. (Kunye kwaloku). (1)
- 3.5 Ngiyavumelana nalombono ngobe lapha enkondlweni kutsiwa mabonakhashane ubukelwa bokhewane nemakhehla, bothishela nebafundzi. (2)

- 3.6 Nangabe mabonakhashane ekhaya angasebenti kahle nobe afile, bonkhe bantfu balapha ekhaya bashayisana ngetinhloko kubete kujabula lapha ekhaya ngobe kuthula kutsi nya sengatsi kunelilunga lemndeni lelishonile. Nobe kute imali, ifunwa ize ibe khona kuze lomabonakhashane alungiswe/**Kunetinhlelo letibashiyako/ (naleminye imibono lehambelana naloku lengakabalwa lapha).** (2)
- 3.7 Mine ngilibona lisetjentiswe kahle ngobe kusimanga kwekutsi ubone libhokisi likhuluma likutjela kwekutsi yini leyenteka emhlabeni wonkhe wena uhleti nje endlini yakho utibukelela. Bokhokho bangamangala nabangavuka babone timanga letinje/ lidlala tindhlelo letinyenti ngesikhatsi sinye. (2)

[10]**NOBE****UMBUTO 4**

- 4.1 Kufa. (1)
- 4.2 Usifundzisa kwekutsi konkhe lokuphilako lapha emhlabeni kutakufa ngekuhamba kwesikhatsi lesibekiwe/**Kufa kushabalalisa onkhe ematsemba netifiso lebesetentiwe.** (1)
- 4.3 Luchumano loluvundlile/lolutjekile/sicedzelelamcondvo/**i-enjambamenti/.** (Kunye kwaloku) (1)
- 4.4 Usifundzisa kwekutsi sibohlala sitilungiselele ngobe ngulowo nalowo utakufa ngalelinye lilanga/**Akekho lowatiko kutsi utawufa nini/Sikwemukele kufa ngobe kukhona kusiphetfo setfu sonkhe.** (1)
- 4.5 Kumuntfutisa/ **umbiti** ngobe sonkondlo ukhuluma nekufa shangatsi nako kutamphendvula ngobe kungumuntfu, kuyeva futsi kumlalele/ **Yi-enjambamenti ngobe umcondvo losemgceni wekucala uphelela kulolandzelako/ imphindza ngobe kuphindvwe ligama lelitsi imfihlo.** (2)
- 4.6 Sisho kona ngobe vele kufa kufihlekile, kute umuntfu lowatiko kwekutsi yena ngabe uyokufa nini, kufika ungakakulindzeli. (2)
- 4.7 Kuphila kwemuntfu lapha emhlabeni kuyimfihlo leyadalwa nguNkulunkulu. Kute lowatiko ngekuphila kwemuntfu losidalwa salapha emhlabeni. Inkhosi yasipha konkhe kuhlakanipha kepha hhayi kuhlakanipha kwekwati tinsuku tekuphila emhlabeni/ **Tinjulalwati tati kuhlakanipha kwasemhlabeni hhayi kwaseZulwini.** (Imibono itawe hluka kepha igcile emfihlweni yekufa). (2)

[10]**NA**

TINKONDLO LETINGAKAFUNDVWA EKLASINI**UMBUTO 5**

Sifundvo sonkondlo lasifundzisa ummango ngalenkondlo.

SINGENISO:

Kulesigaba bahlolwa kumele basho kutsi wonkhe umbhalo lomuhle kumele ushiye tetsamelilwati titfole sifundvo lesitsite kute babone kubaluleka kwekufundza temibhalo. Kumele basho kutsi sikhona nobe asikho sifundvo kulenkondlo.

UMTIMBA:

Bahlolwa abavete loku lokulandzelako lokusifundvo lesitfolakala kulenkondlo:

- Kumele kucashelwe kuhhungwa lite kakhulu ngemali.
 - Kumele sibe netinhloso tetfu leticotfo kunekulalela bantfu labasihhungako.
 - Imali yimphandze yesono.
 - Emagugu lanjengegolide, idayimani ngiwo labanga kutsi selutseke. (Umnotfo).
 - Kufanele sibambelele emasikweni singalandzeli emasiko ebantfu labatasijikela kusasa.
 - Kukhonta bantfu lesingabati kuyingoti.
- (Timphehndvulo titawehluka).

SIPHETFO:

Sifundvo lesitfolakala kulenkondlo siphephisa tetsamelilwati kutsi tingalahli letinako ngaletingenamaciniso ako, njengemasiko nemihambo yesive. Bantfu baletinye tive banemasiko abo, singabi selutseka ngelite. (Timphehndvulo titawehluka).

BONA EMARUBHRIKI EKUMAKWA KWENDZABAMBHALO SICHIBIYELO A.**[10]****NOBE****UMBUTO 6: TIMPHENDVULO TEMIBUTO LEMIFISHA**

- | | | |
|-----|---|-----|
| 6.1 | Lashona ungifulatsele emmangweni. | (1) |
| 6.2 | Imali/ligolide/lidayimani/ emasiko / nobe ngabe yini leligugu. | (1) |
| 6.3 | Lwenala/lwenkhululeko/ lwekuphuma enhluphekweni/Yimphilo lemnandzi /Injabulo/ kunetseteka/lutsandvo. | (1) |
| 6.4 | Ngaguca, wena wangihleka bulima /Ngamukela ngato tonkhe tandla, wangifulatsela. (Munye umugca kulena). | (1) |
| 6.5 | Ikhuluma ngemlungu lowefika ngendiza kulelive wakhohlisa bantfu ngekutsi balahle emasiko abo ngekubanika imali ngempela sive saseNingizimu Afrika samlalela salahla konkhe kantsi ngekuhamba kwesikhatsi lendvodzampkini itasijikela sive/ ikhuluma ngemuntfu lokuhhunga ngebukhatikhathi bese uyakushiya, sib. Imali, emasiko aseNshonalanga,lutsandvo. | (2) |

- 6.6 Kukhotsamela kusho kuhlompheka nekukhonta umuntu ngendlela leyesabekako. Lapha enkondlweni-ke lomchamuki wesatjwa kakhulu, wakhotsanyelwa njengobe senta njalo sive seMaswati nasihlonipha inkhosi yawo. Naye lomchamuki ufaniswa nenkhosi ngendlela lesatjwa ngayo/ **Uyafanisangco ngobe ingwenyama iyesatjwa futsi bakhona labayikhotsamelako.** (2)
- 6.7 Emmangweni lesiphila kuwo sebanengi bantfu lesebalahle emasiko abo sebakhonte imali/ingcebo ngendlela yekutsi sebaze babulalane. Kuhamba kwemasiko etfu endzabuko sekusehlisile sitfunti semuntu ngendzaba yekukhonta bantfu labeta newabo basinunusele ngawo natsi sitsatseke kantsi sekufa kwe-Afrika lemnyama, njll. (2)

[10]**SAMBA SESIGABA A: 30**

SIGABA B: INOVELI**UMBUTO 7: *LIPHUME NEBOVU* – BB Malangwane**

Indzabambhalo kufanele ibe nesingeniso, umtimba nesiphetfo.

SINGENISO:

Bahlolwa balindzeleke kutsi basho kubaluleka kwenkinga endzabeni:

- Ngaphandle kwenkinga lekubukenwe nayo indzaba ngeke iye embili ngobe kumele ichubeke kute kusombululeke inkinga.
- Siphetfo lesibhaleke kahle kumele siyisombulule inkinga kucace siphetfo sayo.
- Sisombululo kumele kube ngulesiyifanele inkinga kutsi ingasombululeka. (Kube ngulesikholwekako).
- Kushiwo kutsi yini inkinga lebekubukenwe nayo kulendzaba. (Inkinga yekubhunguka kwaLushawulo angasanaki umuti wakhe abuye afelwe bantfwabakhe labanyenti angati kutsi babulawa yini).

UMTIMBA:

Kulesigaba sendzabambhalo bahlolwa balindzeleke kutsi bavete lamaphuzu lalandzelako:

- Tigameko letiveta inkinga lesendzabeni:
 - ❖ Kulahlwa kwaLaMagagula nguLushawulo, kantsi udliswe nguTintfombi.
 - ❖ Kufelwa bantfwabakhe, Lushawulo kantsi babulawa nguTintfombi.
 - ❖ Kunukwa kwenina waLushawulo naLaMagagula kutsiwe ngibo lababulala bantfwana baLushawulo.
 - ❖ Kugula kwaLaMagagula kungatiwa kutsi udliwa yini. Nekunyamalala kwaTintfombi ayewufukamela LaMagagula esigangeni entela kutsi afe yena angekho ekhaya.
 - ❖ Sifiso saLushawulo sekwati kutsi ngabe kungeneni emtini wakhe.
 - ❖ Akanalutsandvo lwemkakhe lomkhulu nenina/imbangela yekufa kwebantfwabakhe.
- Indlela lenkinga leyasonjululwa ngayo:
 - ❖ Kwecwayiswa kwakhe boNyoni naKunene kutsi atsatse tindvuku uyewukuva kutsi yini lengaka lengenele umuti wakhe nekutsi aye emkhayeni.
 - ❖ Kuya kwaLushawulo etinyangeni ayewubhula ngalokufa lokungenele bantfwabakhe nemkakhe lomkhulu LaMagagula.
 - ❖ Kuya emkhayeni lapho lifindvo lefika lasonjululwa khona. Inkinga yemtsakatsi locedze bantfwana baLushawulo, nalogulisa LaMagagula yasonjululwa ngumkhaya lapho efika washaywa khona Tintfombi.

SIPHETFO:

Bahlolwa balindzeleke kutsi bavete lamaphuzu labalulekile:

- Ngabe umbhali uphumelele nobe wehlulekile yini kusombulula inkinga yesihlava lebesingenele Lushawulo emtini wakhe, ngekukhuluma ngaloku lokulandzelako:
 - ❖ Kusionjululwa nobe kungasonjululwa kwenkinga.
 - ❖ Kuhambelana/Kungahambelani/Kukholweka/Kungakholeki kwesisombululo.

- Ngabe Lushawulo wasitfoli yini sisombululo senkinga yakhe njengemlingisi lomcoka?

(Tmphendvulo titaweuhluka).

BONA EMARUBHRIKI EKUMAKWA KWENDZABAMBHALO SICHIBIYELO B

[25]

NOBE

UMBUTO 8: *LIPHUME NEBOVU* – TIMPHENDVULO TEMIBUTO LEMIFISHA

***LIPHUME NEBOVU* – BB Malangwane**

- 8.1 Kusukela Lushawulo aya kuyosebenta eJozi wabhunguka washiya LaMagagula watsandzana na Tintfombi, yena waba saliwakati. (2)
- 8.2 Kugcwele lusizi kuletheksthi lengenhla ngobe LaHlophe ushonile weswela umuntfu wekumngcwaba, indvodzana yakhe imhlubukile. (2)
- 8.3 Bantfu bendzabuko kufa bayakuhlonipha futsi bayabutsana. Akukavami kutsi umuntfu angate eswele tihlobo tekumngcwaba kute kudzingeke kutsi angcwatjwe tiboshwa/Kuyenteka emadolobheni lamakhulu lapho umuntfu angatiwa kutsi wakuphi, netihlobo takhe tingatfolakali. Kulapho kube sekuba nesidzingo sekutsi lowo muntfu angcwatjwe nguhulumende. (2)
- 8.4 Tintfombi watjela Lushawulo kutsi bantfwana baLushawulo babulawa ngunina. Ngaloko-ke Lushawulo wamecwaya unina ngobe amtsatsa njengemtsakatsi lowacedza bantfwabakhe. (2)
- 8.5 Lobudlelwane bakha ludvweshu lolungilo loluholela kutsi indzaba iye embili. Lokucabana kwaboLushawulo nenina kwabanga kutsi Lushawulo afune kuya emkhayeni ayofuna kwati liciniso ngekufa kwebantfwabakhe ngobe besekabonile kutsi ngatsi nenina akusuye umtsakatsi. (2)
- 8.6 Bekangamcashela umuntfu ahlale naye/Abengamyisa etindzaweni tahulumende talabagula kakhulu (emahospisi)/Abengamyisa endzaweni lenakekela bantfu labaluphele, (Tmphendvulo titaweuhluka kodvwa tihambisane nembuto). (2)
- 8.7 Ingcikitsi yalenoveli iphatselene netenhlalo. Letheksthi ihambelana kahle kakhulu ngobe yetfula loko lebekwenteka enhlalweni yemndeni waLushawulo. (2)
- 8.8 Umlingisi lomcoka kulenoveli nguLushawulo. Utenetisa ngalokuphelele tidzingo temlingisi lomcoka ngobe uphatselene nako konkhe lokwenteka enovelini yonkhe kute kuyewufika esiphetfweni. (2)
- 8.9 Lushawulo abengumuntfu lokholelwa kulabaphasi, nasetinyangeni. Loko bekungamenta akubone kufanele kuya ethuneni lenina ayocolisa ngaloko lakwenta kuye/Labanye batawutsi angaphahla acolise, njll. (Tmphendvulo titaweuhluka kodvwa tihambelane nenkholelo yaLushawulo). (2)

- 8.10 Masaletindzaleni wetsiwa ngalesikhatsi Lushawulo sekajikele LaMagagula sekafana nemuntfu losahlala etindzaleni ngobe Lushawulo sekabashiyile. (2)
- 8.11 Ludvweshu lwangekhatsi ngobe LaMagagula uphetfwe ngumvangedvwa wekufuna kuyisa bantfwana esibhedlela kuyewubona gogo wabo, kodvwa wesaba Lushawulo kutsi ngeke akuvumele loko. (2)
- 8.12 Esingenisweni salenovele LaMagagula abesele yedvwa Lushawulo abhungukile, nakulesicashunwa lesingenhla LaMagagula usele yedvwa kulenkinga yekungcwaba unina Lushawulo, yena akekho kutsi amsite. (3)
- [25]**

NOBE

UMBUTO 9: *KUBAMBA LETINGELAKO* – DE Nkosi

Indzabambhalo kufanele ibe nesingeniso, umtimba nesiphetho.

SINGENISO:

Bahlolwa balindzeleke kutsi bavete kubaluleka kwenkinga endzabeni:

- Inkinga kufanele ivetwe esingenisweni.
- Bafanele bavete kutsi uma inkinga ingekho indzaba ngeke ichubekele embili yetame kusombulula inkinga.
- Siphetho lesikahle ngiso lesiveta kucatululeka kwenkinga.
- Inkinga lecatululwako kufanele ihambisane nalevetwe esingenisweni.

Inkinga lelapha kulenovele kufuna indzawo yekuhlala kwaMphikeleli, kufuna indzawo yekufundza, kungenela lukhetfo kute atfole umsebenti wekutiphilisa.

UMTIMBA:

Emtimbeni kufanele kuvele tigateko nendlela tigateko letisombulula ngayo inkinga.

Tigateko tingafaka ekhatsi leti:

- Sigameko sekufuna indzawo yekuhlala.
- Sigameko sekucoshwa esikolweni.
- Sigameko sekukhetfwa kutsi abe yimeya lapho boMagumeni bebangafuni kuphatfwa ngumchamuki.
- Sigameko sekukhetfwa kwaMphikeleli kutsi abe ngusosifundzave.
- Kutondvwa nguTsabetse.

(Naletinye tigateko letingakabalwa lapha ngenhla letihambelana nekusombulula inkinga esiphethweni).

Indlela lenkinga leyasonjululwa ngayo:

- Kusitwa nguMatsiya ngekumtfolela indzawo yekuhlala.
- Kusitwa nguthishelanhloko nelisekela lakhe kutsi indzaba yekucoshwa kwaMphikeleli iphindze ikhulunywe naye abe nalotamkhulumela.

- Kusitwa nguMatsiya kutsi abe ngummeli lowakhona nekusebentisa emagazethi ahulumende kutsi abuyiselwe esikolweni.
- Kufundza kwakhe aphumelele matekuletjeni nasenyuvesi.
- Kwesekelwa kwaMphikeleli boShongwe ngemisebenti yakhe layentela ummango kutsi abe yimeya nekutsi uwekutala kulendzawo.
- Kuphumelela lukhetfo lwabososifundzave ngoba aphumelela kufundza.

SIPHETFO:

Lapha bahlolwa basonga konkhe labakhulume ngako emtimbeni. Baphawula ngekuphumelela nobe kwehluleka kwembhali walenoveli kusombulula inkinga yemfundvo lebeyifunwa nguMphikeleli. Kufanele esekele ngaloku lokulandzelako:

- Kuphumelela kusombulula inkinga nekungaphumeleli kuyisombulula.
- Kufaneleka kwesisombululo nenkinga lesonjululwako.

Kufundza kwaMphikeleli aphotfule tifundvo takhe, atfole nemsebenti lokwamenta waphila kahle.

BONA EMARUBHRIKI EKUMAKWA KWENDZABAMBHALO SICHIBIYELO B**[25]****NOBE****UMBUTO 10: TIMPHENDVULO TEMIBUTO LEMIFISHA****KUBAMBA LETINGELAKO – DE Nkosi**

- 10.1 Uhlushwa kwetfuka ngekungati kutsi imiphumela yelukhetfo imphatseleni/Buhlungu benhlitiyo nekumangala ngekufa kwaSikhulu Tsabetse/Kwetfuka nekucabanga ngekukhululeka kwaKhulumile/**Kukhala kakhulu ngekutfole tincwadzi temaliba ebatali bakhe.** (Kubili kwaloku). (2)
- 10.2 Lesaga sihambisana naletheksthi ngoba Matsiya wasita Mphikeleli wammela esikolweni naku manje naye uyabonga ngekutsi amelaphise kudokotela Gamedze nenyanga Dlamini. (2)
- 10.3 Luta netindzaba letimnandzi tekukhetfwa kwaMphikeleli kutsi abe ngusosifundzave lokutamenta aphile imphilo lemnandzi kwendlula lelabeypihla ekucaleni kwalenoveli. (2)
- 10.4 Kuletheksthi lengenhla kugcame inkholo yebukhrestu. Loku kuchaza kutsi Mphikeleli sewuyakholwa, ngoba konkhe labakhuluma ngako ukubhekisa kulosetulu/**Kugcame nekholelo yalabaphasi ngobe bayisa Matsiya enyangeni.** (2)
- 10.5 Shongwe ungumuntfu lotsandza tikhundla lebekumenta agcine asanenhlitiyo lelukhuni. Ekucaleni kwalenoveli uncisha Mphikeleli indzawo yekuhlala ngenca yekutsi utsite babe akambiti ngesikhundla sebufundisi labesandza kusitfole. **Ungimfundisi ubuye ufuna kuhambelane netepolitiki.** (2)

- 10.6 Kukhutsala kwaMphikeleli kwabasita kutsi nabo bagcine bakhutsele etifundweni tabo nasekusebenteleni sive. Msiti waphumelela ngemalengiso esikolweni nasenyuvesi, naMatsiya utsi ugcine aphumelele aneticu te-LLB kantsi bobabili bese bangemakhansela lasebentela ummango. (2)
- 10.7 Lesakhiwana saletheksthi sikhuluma ngaMphikeleli lolichawe kulenovelu nebangani bakhe labafake sandla ekuguculeni imphilo yakhe lokuhambisana nesakhiwo senovelu yonkhe ngobe Mphikeleli nebangani bakhe babalingisi lababalulekile kulenovelu. (2)
- 10.8 Lomshikashika losachubeka, Mphikeleli lakhuluma ngawo ngulona wekutsi bekusafanele afune batali bakhe, aphindze afundze kute abe sakhamuti saseNingizimu Afrika lesitimele/**kulwela inkhululeko**. (2)
- 10.9 **Imibono itawe hluka, labanye batawusi sikhethseke kahle labanye batsi siyabiketela bese beseke ngalokwemukelekako. Sib.**
Lesihloko sisho kutsi uphumelela ngekusebenta nobe ngekutimisela. Lesihloko sikhethseke kahle ngobe asiveti kutsi indzaba iyophetsa ngani tetsamelilwati tibona setifundze yonkhe indzaba tayofika esiphethweni kutsi siyahambelana nendzaba/**Lesihloko asikakhetseki kahle, siyabiketela ngobe vele Mphikeleli wabeketela wadzimate wakubamba loko lakutingelako**. (2)
- 10.10 Mphikeleli utsi wadzabula emave (Tanzania naseTopiya) asekudzingisweni angati kutsi utawuphindze abuye kuleli kepha naku ekupheleni kwalenovelu sewungusosifundzave. Lemphilo ifana ncamashi nalena yabosopolitiki labasiphethse ngekutsi liningi labo libuya ekudzingisweni nalo belidzabula emave. Naku lamuhla babambe tikhundla letisetulu embusweni wenkhululeko. (2)
- 10.11 Bangive Velakhe Zwane nguyise waMphikeleli lowafela etandleni temaphoyisa, nemkakhe naye wafa wangcwatjwa kwaphela ngemuti wakhe. Lomuti wafike wavuswa nguMphikeleli labeyindvodzana yakhe nakabuya ekudzingisweni. Naku ekupheleni kwalenovelu umuti uyandza, Khulumile umkaMphikeleli utibula ngemfana, Velakhe lokusho kutsi sive sakaZwane siyandza siya embili. (2)
- 10.12 Lenkhulumo ingemaciniso. Lapha kulenovelu lutsandvo lwaMphikeleli naKhulumile luletsa indida. Emkhatsini nalenovelu umbhali uvete kutsi boMphikeleli naKhulumile batsandzene bashada. Naku futsi indzaba uma seyiya ngasemaphetselweni sewuveta kutsi sebayasomana sebayatsandzana bayashada futsi. Loku kuletsela tetsamelilwati kudideka. (3)

[25]

SAMBA SESIGABA B: 25

SIGABA C: UMDLALO**UMBUTO 11: KWAHLWA EMINI – JJ Thwala**

Tigameko letisetjentiswe ngumbhali kugcamisa ingcikitsi yalomdlalo.

Indzabambhalo iba nesingeniso, umtimba nesiphetfo.

SINGENISO:

Bahlolwa balindzeleke kutsi bavete ingcikitsi yalomdlalo lokungumbango, bafanele basho kubaluleka kwetigameko ekugcamiseni ingcikitsi.

UMTIMBA:

Emtimbeni kufanele kuvele tigameko nendlela letigcamisa ngayo ingcikitsi, sib:

Tigameko tingafaka ekhatsi leti:

- Kunikwa kwaMakhosi bukhosi esikhundleni saNkhanise.
- Kungati kwaNkhanise kutsi yena akasiyo indvodzana yekucala yakaNhlapho. (Kufihla kwaLaJele naMkhalelwa emaciniso).
- Kwesekela kwaLaJele kutsi Nkanise alwele lilungelo lakhe.
- Kwala kwaMakhosi kuyolala elawini nekwelashwa nguNdondlo amelaphele sikhundla.
- Kuvuka kwemacembu lagcugcutela kubangwa kwesikhundla sebukhosi. (Umfelandzawonye)
- Kuvumelana kwaNdondlo neMfelandzawonye kulumba sikhali kute kubulawe Makhosi.
- Kufa kwaNkhanise naNdleleni.

Naletinye tigameko letemukelekako letikhona emdlalweni letigcamisa ingcikitsi.

SIPHETFO:

Lapha bahlolwa basonga konkhe labakhulume ngako emtimbeni. Baphawula ngekuphumelela nobe kwehluleka kwembhali walomdlalo kusivetela tigameko letigcamisa ingcikitsi yembango webukhosi. Kufanele esekele ngaloku lokulandzelako:

- Kuphumelela kuveta tigameko letigcamisa ingcikitsi.
- Kuhambelana kwaletigameko nengcikitsi.
- Kuphela kwembango.

BONA EMARUBHRIKI EKUMAKWA KWENDZABAMBHALO SICHIBIYELO B**[25]****NOBE****UMBUTO 12: KWAHLWA EMINI – TIMPHENDVULO TEMIBUTO LEMIFISHA**

- 12.1 NguSifiso. Phela Sifiso usetsenjwa saMakhosi, **ungumngani wakhe lomkhulu** futsi umetsembisile kutsi utamnika sikhundla lesisetulu embusweni wakhe. Wabuye wamtjela kutsi ufuna nekutsi ahole libutfo leMahloko. (2)
- 12.2 Nkhanise akasuye umntfwana waMkhalelwa, LaJele wefika akhulelwe kaNhlapho. Ngiyo lendzaba nobe kukhulunywa ngetindzaba tebukhosi Nkhanise akatjelwa nekutjelwa. (2)

- 12.3 Ludvweshu lwalomdlalalo lubangwa kutsi bukhosi bunganikwa Nkhanise njengendvodzana yakaNhlapho lendzala. Letheksthi ngiyo lebangela loko ngoba lapha Mkhalaelwa kulapho anika khona Makhosi lobukhosi lobudala umbango, uphindze ubeka nelusuku lekufanele abekwe ngalo. (2)
- 12.4 Betiluphawu lolubiketela kufa, ngoba kwagcina kufa Nkhanise naNdleleni ngelusuku lolwendvulela kubekwa kwaMakhosi/Betiluphawu lolubiketela kuvalwa kwendlu yaMkhalaelwa ngobe afelwe bantfwabakhe boNkhanise naNdleleni. (Kunye kwaloku) (2)
- 12.5 Umdlalo uba ngumdlalo wesiteji nalobukelwako ngenkhulumiswano nemnyakato, lokungiko lokujabulisa tetsamelilwati. Kwahlwa Emini ufanele kuba ngumdlalo lolalelwako ngoba akunamnyakato lokhona, uvela kanye nobe kabili. Cishe yonkhe lendzaba balingisi bahleti bayacoca lokungadlaleka kahle emoyeni tetsamelilwati tilalele. (Imibono itaweuhluka). (2)
- 12.6 Imibono itaweuhluka. Labanye batawuvumelana nawo ngoba bacabanga kutsi kutawutsi kungangcwatjwa ekuseni bese kuyadliwa emini kukhonjwa ngalosekhatsi sekuchubeka umsebenti wekubekwa kwaMakhosi. Labanye batawuphikisa besekele ngekutsi kutawube kukhalwa ngekushona kwaNkhanise naNdleleni. Tinhlitiyo titawube timnyama kubuywa emangcwabeni. (2)
- 12.7 Letibongo titsi lukhulu luyeta, luyanyelela, lusemnyango. Tibiketela kufa nesililo lokutawenteka ngelusuku lolwendvulela kubekwa kwaMakhosi. Lesililo ngulesidalwa kufa kwaNkhanise naNdleleni. (2)
- 12.8 Makhosi ungumlingisi longakhweshi etincumeni latitsatsako, futsi akusilula kumntjintja. Loku sikubona ngekwala lapho uyise atsi umshiya etandleni taNdondlo. Ngelusuku lolwendvulela kubekwa kwakhe, wala kugcina lisiko lekwelashwa, wangavumi kuyolala elawini. (Naletinye tigateko letemukelekako letifakazela loku letikulomdlalo). (2)
- 12.9 Makhosi bekufanele abekwe eNtfwasahlobo. Loku kufakazelwa kutsi tonkhe tecwayiso Ntfwasahlobo labetsi uyatikhuluma, bekanganakwa kuvele kutsiwe tihlahla tiyahluma ngiyo lendzaba aphungela/Sifiso nakakhuluma naMakhosi watsi ucaphela kutsi Kholwane akakakhali ngalesikhatsi lavamise kukhala ngaso, lokuyintfwahlobo ngoba abika sikhatsi sekucala kulima. (Naletinye tigateko letifakazela kutsi bekukusentfwahlobo temukelekile). (2)
- 12.10 Unina waNkhanise kutsite uma kucala tindzaba tekutsi bukhosi bunikwe Makhosi, watsi kuNkhanise akabindze sengatsi ufile, agoce tandla sengatsi ufile, bese uvula tindlebe nje kuphela. Kube Nkhanise walalela ngabe umbango awuzange ube khona, Makhosi abetawubekwa. Umdlalo bewungeke uchubeke ufike lapho benta emacembu eMfelandzawonye, kuze kufike lapho bafa khona boNkhanise naNdleleni. (2)
- 12.11 Kungemaciniso. Nkhanise abengakahlosi, yena wati kutsi uyindvodzana yekucala yaMkhalaelwa. Akukaze kube netigateko letimenta asole kutsi kungenteka akasuye wakaNhlapho. Ngaloko ulwela emalungelo akhe njengelitibulo laMkhalaelwa. (2)

- 12.12 Sicongo salomdlalo silapho kufa khona Nkhanise naNdleleni. Nkhanise abulawa sijula lebesilunjwe nguNdondlo asilumbele kutsi siyobulala Makhosi. Lamavi akhombisa kahle kamhlophe kutsi Makhosi bekabona kutsi kusala naNdondlo kusho kufa kwakhe angakabuva bunandzi bekubusa. (Imibono itawehluka).

(3)
[25]

NOBE

UMBUTO 13: *UMVUZO* – NS Nzima

Tigameko letisetjentiswe ngumbhali kugcamisa ingcikitsi yalomdlalo.

Indzabambhalo iba nesingeniso, umtimba nesiphetho.

SINGENISO:

Kulesigaba bahlolwa kulindzeleke kutsi basho ingcikitsi yendzaba nekutsi basho nekutsi yetfulwa ngetigameko letiyibeka sobala. Kulomdlalo ingcikitsi yayo yimfundvo ngiyo lekumele kugcanyiswe yona.

UMTIMBA:

Kulesigaba sendzabambhalo kulapho kumele bahlolwa batisho letigameko letigcamisa lengcikitsi, sib.

- Bafundzi baseMkhuphukantsaba bahlala njalo bacocisana ngetifundvo tabo emacenjini abo.
- Tikhulumi tonkhe letibitelwa esikolweni tisuke titewufundzisa bafundzi lokutsite, sib. Siwela, ubafundzisa kwelashwa kwendzabuko. Dokotela Makhubu, ubafundzisa ngeTesayensi nekwelashwa kwaseNshonalanga kanye netifundvo lekumele batifundze kute babe bodokotela. Batali bebabafundzisa ngendlela yekutiphatsa emmangweni kanye nenhlonipho, babuye babakhutsate etifundvweni tabo.
- Luhlelo lolusha lwekufundzisa ngemakhono nemiphumela yekufundza nayo iphatselene nemfundvo.
- Kukhishwa kwemiphumela yakamatekuletjeni nako kuphatselene nemfundvo, kuyayigcamisa.

(Naleminye imibono lekhumla ngekugcanyiswa kwengcikitsi yemfundvo yemukelekile kuphela nje nayibhekiswe emdlalweni, Umvuzo).

SIPHETHO:

- Kulesigaba kusongwa ngemphumelelo nobe ngekwehluleka kwembhali ekugcamiseni ingcikitsi ngetigameko letidlalwako nobe letifundvwako encwadzini.
 - Onkhe lamaphuzu langenhla ayayigcamisa ingcikitsi yalomdlalo.
- (Timphendvulo titawehluka).

BONA EMARUBHRIKI EKUMAKWA KWENDZABAMBHALO SICHIBIYELO B

[25]

NOBE

UMBUTO 14: UMOVUZO – TIMPHENDVULO TEMIBUTO LEMIFISHA

- 14.1 BoLaMbuli naBatjele bayamemukela makhelwane wabo kutsi naye aphose litje esivivaneni njengobe bacocisana ngekuyala Batjele. Abamange bamecwaye, kantsi naye Batjele uyamhlonipha LaNgwenya nobe angasuye unina. Lesicashunwa sikhomba kutsandzana kwabomakhelwane/Kuvakashelana kwaboLaMbuli naLaNgwenya kukhombisa kutsandzana kwabomakhelwane. (2)
- 14.2 Umbhali usebentise lisu lekusichaza kutsi sakhiwe entsabeni/Usebentise lisu lekusibongelela, lapho atsi, Mkhuphukantsaba kulemitfole, kulemisimbisi kuletindlulamitsi/Usebentise imiphumela lemhle lekhicitwa ngulesikolo kuveta kutsi kuyasetjentwa kulesikolo/Ligama laso liyatichaza kutsi imfundvo yakhona iphakeme njengekukhuphuka intsaba. (Kubili kuphela). (2)
- 14.3 Imibono itawehluka. Sib. Bantfu labangakabi nalo litfuba lekufundziswa ngenhlonipho abavami kubambebelela etindzabeni telutsandvo. Nasemindenini nangabe batali abahloniphani kanye nebantwana nabo abahloniphani, kuhlala kunekucabana njalo, umndenini ugcine uhliphekile. (2)
- 14.4 Lenkhulumo itsatsa luhlangotsi lwalabadvuna. Njengobe kushiwo kutsiwa kuhlonishwana bubili. Sifuntsi semuntfu sibalulekile kungaba ngulomsikati nobe ngulomdvuna angasatsatfwa njengenkosi, njengobe sibona kulamalanga nalabasikati bayatibamba tikhundla letibanjwa ngulabadvuna/Vele emakhosi kuvame kuba ngemadvodza netikhundla letinyenti letinkhulu naletisetulu tivame kuphatfwa ngulabadvuna. (Imibono itawehluka). (2)
- 14.5 Kunyenti lesekulahlekile kulamalanga lekuphilwa kuwo. Sib. Indzaba yekutsatsa into ngetandla letimbili, sekuyinto yakadzeni kulentalelwane leseziphila nobe ifundza naletinye tihlanga/Linyenti lelusha lwalomuhla alusahloniphani ngenca yemalungelo ekutsi labasikati bayalingana nalabadvuna, nalabadvuna nabo batsi umuntfu lomsikati ungephasi kwalomdvuna. Letheksthi isikhumbuta kutsi kuhlonishwana bubili. (Tibonelo titawehluka). (2)
- 14.6 Umdlali lokholwekako nguloyo logucugucukako emdlalweni, aphile imphilo lephilwa bantfu labaphilako kute umdlalo ube neligalelo etimphilweni talabo labafundza nobe babukela nobe balalela lowo mdlalo. Batjele usicaba, uhlakaniphe kusukela ekucaleni kute kuyewufika ekugcineni kwemdlalo. Akukho lapho atsatsa lesinye simo semphilo. Loko kwenta umdlali angakholeki. (2)
- 14.7 Letheksthi lengenhla ilungiselela Batjele kutsi kute atfole umvuzo kumele ahloniphe emphilweni yakhe, futsi alalele batfu labadzala nabamyala. Loko kwamsita ngobe kulalela kwakhe kwamenta waphumelela nasetifundvweni takhe, lokutsatfwa njengemvuzo wekutiphatsa kahle kwakhe ngenca yemiyalo layitfole. (2)
- 14.8 Libito laBatjele lesibili **nguLomfundvo**, lihambelana kahle kakhulu nengcikitsi yalomdlalo leyimfundvo. (2)

- 14.9 Bahlolwa balindzeleke kutsi basho kutsi imiphumela yaboBatjele yatfolwa ngayiphi indlela (ngeliphephandzaba), bese basho luvo lwabo ngalendlela yeliphephandzaba njengobe labanye batsi akuyekelwe kutsi imiphumela ikhishwe emaphephandzabeni. (2)
- 14.10 Simonhlalo sasetikolweni letihlanganise tinhlanga ngeke sihambisane nalemiyalo ngobe letinye tive loku lekutsiwa kungentiwa tona atiliboni liphutsa lako, sib. Kutsatsa ngesandla sinye/sebuncele, kubita bantfu labadzala ngemagama. (**Naleminye imibono lehambelana nalombuto**). (2)
- 14.11 Imiphumela layitfolwa ekupheleni kwemnyaka/Indlela labeyala ngayo boMlandzeli naSatile/Indlela labechuba ngayo tinkhulumiswano emacenjini. (Timphehndvulo titaweuhluka kodvwa kumele kubhekiswe encwadzini). (2)
- 14.12 Timphehndvulo titaweuhluka. Sib.
- Bafundzi bebahlangana njalo kuboniswa ngetifundvo tabo.
 - Bafundzi bebabitelwa bantfu labafana naboDokotela Makhubu nenyanga Siwela kutewucocisana nabo.
 - Batali bebata bahlangane nebafundzi baseMkhuphukantsaba kuboniswa ngemvelo nekukhutsatwa kutsi batimisele etifundvweni tabo.
 - Thishela Shabalala abebagcogca ndzawonye bafundzi kucociswane ngetifundvo tetemphilo. Tibonelo letintsatfu kuphela. (Timphehndvulo titaweuhluka kodvwa kucashunwe emdlalweni). (3)
- [25]**

SAMBA SIGABA C: 25
SAMBA SAKOKONKHE: 80

TICHIBIYELO**SICHIBIYELO A****EMARUBHRIKI EKUMAKA TINKONDLO**

EMARUBRIKI EKUMAKA INDZABAMBHALO YETINKONDLO LULWIMI LWASEKHAYA 10 EMAMAKI	LULWIMI Sakhiwo, kutselelana emanti kwemibono kanye nesetulo. Lulwimi, umoya. Nesitayela lesisetjentsiwe endzabenimbhalo	Emalengiso Kunekubumbana kwesakhiwo - Singeniso nesiphetho kungemalengiso. - Imibono yakheke kahle yatfutukiswa ngemalengiso. - Lulwimi, liphimbo nesitayela kuvutsiwe kungemalengiso.	Licophelo lelisetulu - Ithekesti yakheke ngelicophelo lelisetulu. - Singeniso nesiphetho kusecophelweni lelisetulu. - Imibono ilandzeleka kalula. - Lulwimi, liphimbo nesitayela kulungile kuhambisana nenjongo. - Umbhalo wetfulwe kahle.	Lokuncomekako - Sakhiwo lesicacile nemibono levakalako. - Singeniso nesiphetho naletinye tindzima kubumbene. - Imibono iyevakala Lulwimi, liphimbo nesitayela kulungile .	Lokwenetisako - Kunebufakazi lobutsite besakhiwo. - Umbhalo awuvusiseki futsi awukabumbani. - Kunemaphutsa lambalwa elulwimi, -liphimbo nesitayela lokufanene. - Tindzima tikahle.	Lokulingene - Sakhiwo siveta emaphutsa ekuhlela. - Imibono ihlangahlangene. - Kunemaphutsa elulwimi. - liphimbo nesitayela akuhambisani nenhloso yembhalo. - Tindzima tinemaphutsa.	Lokuyincenye - Kwetfuleka kabi nekungahleleki kwesakhiwo kwenta imibono ingevakali. - Emaphutsa elulwimi. nesitayela lesingakalungi kwenta umbhalo longenamphumelelo. - Tindzima inemaphutsa.	Lokungenamphumelelo - Kulikhuni kubona kutsi sihlolo silandzelwe. - Akunabufakazi bekuhlela futsi akuvakali. - Lulwimi lunemaphutsa lamanyenti. - liphimbo nesitayela lokungakalungi. - akunatindzima nekubumbana.
LOKUCUKETFEWE Kuvisisa sihlolo. Kujula kwemibono, kwesekela nekuvisisa inkondlo		7 80–100%	6 70–79%	5 60–69%	4 50–59%	3 40–49%	2 30–39%	1 0–29%
Emalengiso Uvisisa sihlolo ngalokujulile, kwehlwaywe tonkhe tinlangotsi. - Timphendvulo letingemalengiso: 90%+. - Timphendvulo letisecophelweni lelisetulu: 80 – 89%. - Tinhlobo letehlukile temibono lebanti lehehako tesekelwe ngemalengiso ngekuaphuna enkondlweni. - Uvisisa luhlobo lwembhalo kanye nenkondlo ngemalengiso.	7 80–100%	8–10	7–7½	7–8				

Licophelo lelisetulu Uvisisa sihloko ngelicophelo lelisetulu, kwehlwaywe tonkhe tinhlangothi ngalokwenetisako. Timphendvulo letinemininingwane lephelele. Kunikwe tinhlolo letehlukene temibono levakalako, yesekelwe kahle ngekucaphuna enkondweni. Uvisisa luhlobo lwembhalo nenkondlo ngelicophelo lelisetulu.	6 70–79%	7½–8½	7–8	6½–7½	6–7			
Lokuncomekako Ukhombisa kuvisisa abuye ahumushe sihloko ngalokuncomekako. Imphendvulo inemininingwane lencomekako. Unikete imibono levakalako, kepha ayikesekelwa yonkhe ngendlela lelindzelekile. Kunebufakazi bekuvisisa luhlobo lwembhalo nenkondlo ngalokuncomekako	5 60–69%	7–8	6½–7½	6–7	5½–6½	5–6		
Lokwenetisako Uhumushe sihloko ngalokwenetisako. lamanye emaphuzu awakahlolisiswa Kunemaphuzu latsite lamahle lasekele sihloko. Leminye imibono yesekelwe kepha bufakazi kulesinye sikhatsi abenetisi. Kune kuvisisa luhlobo lwembhalo nenkondlo ngalokwenetisako.	4 50–59%		6–7	5½–6½	5–6	4½–5½	4–5	

Lokulingene Umtamo lolingene wekuphendvula umbuto. Imphendvulo ikhombisa lwati loluncane ngesihloko. Imibono ayenelisi kunekusekela lokuncane lokuchamuka enkondlweni. Umfundzi usengakaluvisisi luhlobo lwembhalo nobe inkondlo.	3 40–49%			5–6	4½–5½	4–5	3½–4½	3–4
Lokuyincenye Akavisisi sihloko. Imphendvulo inekuphindzaphindza kulesinye sikhatsi iphumile esihlokweni. Imibona ayikajuli, emaphutsa ekhumusha/ Imibono ayikasekelwa ngalokusenkonklweni. Umfundzi akanalwati lweluhlobo lwembhalo nobe inkondlo.	2 30–39%				4–5	3½–4½	3–4	1–3½
Lokungenamphumelelo Imphendvulo iinekuhamisana lokutsite nesihloko kepha kulikhuni kuyilandzela nobe esikhatsini lesinyenti iyanhlanhlatsa. Wehlulekile kuphendvula sihloko. Umfundzi akanalwati lweluhlobo lwembhalo nobe inkondlo.	1 0–29%					3–4	1–3½	0–3

[10]

SICHIBIYELO B**EMARUBHRIKI EKUMAKA INDZABAMBHALO YENOVELI NEMDLALO**
I-Rubhrikhi yekuhlola i-eseyi yeTemibhalo-[25 emamaki]

EMAZINGA EMAMAKI LAKLONYELISWAKO		LOKUCUKETFWE [15] KUCHAZWA KWESIHLOKO, KUJULA KWEMIBONO, KUSEKELA NEKUVISISA UMSEBENTI LOMELE WENTIWE.	EMAMAKI LAKLONYELI- SWAKO NALOKUPHA- WULWAKO	SAKHIWO NELULWIMI [10] KUHLELEKA KWEMISEBENTI NEKUSENTJETISWA KWELULWIMI. LUHLAKA,SAKHIWO KULANDZELANA NEKWETFULWA KWEMIBONO -KUSENTJETISWA KWELULWIMI ITHONI NESITAYELA LESIFANELE.
Lizinga 7 80%–100%	Emalengiso 12–15 Emamaki	-Sihloko usivisisa ngalokujulile -Tonkhe tinhlangothi tesihloko tidzingidvwe ngalokuphelele -Imphendvulo ingemalengiso (90%-100%) -Kunemibono lenembako levakalako lesekelwe ngekucaphuna encwadzini lefundvwako. -Luhlobo lwemibhalo nencwadzi lefundvwako ukuvisisa kahle.	Emalengiso 08–10 Emamaki	-Sakhiwo sihleleke kahle, tindzima tikhomba budlelwano bemicondvo lobuhlanganiswe ngebuciko. - Singeniso nesiphetho kubhaleke kahle kakhulu. -Imibono lebalulekile ihlelwe kahle kakhulu yasekelwa ngalokuvakalako. -Lulwimi, ithoni nesitayela kukhomba kucabanga lokutfutukile, lokuncomekako nalokwemukelekako.
Lizinga 6 70%–79%	Licophelo Lelisetulu 10½–11½ Emamaki	-Sihloko sichazwe ngendlela lekhomba kuvisisa umsebenti. Tonkhe tinhlangothi tesihloko tidzingidvwe ngalokwanele. - Imphendvulo inemininingwane yonkhe ledzingekako. - Imibono levakalako minyentana, -Isekelwe kahle ngekucaphuna encwadzini lefundvwako. -Luhlobo lwetemibhalo nencwadzi ukuvisisa kahle.	Licophelo lelisetulu 7–7½ emamaki	-Indzaba ihleleke kahle -Singeniso nesiphetho kuhle kakhulu. -Imicondvo, nemibono yakhe ilandzeleka kalula. - Lulwimi, ithoni. nesitayela kwemukelekile futsi kuhambisana nenhlosongco yemibhalo. -Indzaba yetfuleke kahle.
Lizinga 5 60%–69%	Lokuncomekako 09–10 Emamaki	-Indzaba ikhomba kuvisisa nekusichaza kahle sihloko. -Imphendvulo inemininingwane lencomekako. -Leminye imibono levakalako iniketwe yasekelwa ngekucaphuna encwadzini, kodwa hhayi ngalokunembako -Tikhona tinkhomba tekuvisisa luhlobo lwetemibhalo kanye nencwadzi lefundvwako.	Lokuncomeka ko 6–6½ Emamaki	-Sakhiwo siyacaca nemicondvo yetfulwe ngalokulandzelekako. -Singeniso, siphetho, naletinye tindzima kuhleleke ngalokukhomba budlelwane bemicondvo. - Kwetfulwa kwemibono kuyalandzeleka. - Lulwimi, ithoni, nesitayela kuyancomeka futsi kuyemukeleka.

Lizinga 4 50%–59%	Lokwenetisako 7½-8½ Emamaki	-Sihloko sichazwe ngalokwenetisako kodvwa akakhoni kudzingidza tonkhe tinhlangothi -Ikhona leminyane imibono lesekela sihloko. -Cishe yonkhe imibono yesekelwe kodvwa lobufakazi abusibo lobujabulisako -Luhlobo lweTemibhalo nencwadzi ukuvisisa kancane.	Lokwenetisako 5–5½ Emamaki	-Tikhonyana tinkhomba tekuhleleka kwendzaba. -Indzaba ite kahle sakhiwo lesinemicondvo lelandzelekako lebumbene kahle. -Kunemaphutsa ekusebentiseni lulwimi, - ithoni nesitayela kusebentiseke kahle. -Sikhatsi lesinyenti tindzima cishe tibhaleke kahle.
Lizinga 3 40%–49%	Lokulingene 06-07 Emamaki	-Imphendvulo ayinalo lisasasa, ayihehi. -Imphendvulo ikhomba kusivisa kancane sihloko. -Imibono ayivakali kahle futsi uyisebentisa kancane incwadzi kwesekela imibono yakhe. -Umfundzi akaluvisisi kahle luhlobo lwembhalo noma lencwadzi lefundvwako.	Lokulingene 4–4½ Emamaki	-Luhlaka nesakhiwo lunemaphutsa -Imibono ayikahleleki ngalokukhomba kuhambelana kwemicondvo - Kunemaphutsa ekuhloleni tindzima. -Kunemaphutsa ekusebentiseni lulwimi. -Ithoni nesitayela akuhambisani nenhloso yalombhalo.
Lizinga 2 30%–39%	Lokuyincenye 4½-5½ Emamaki	-Sihloko usivisa kancane ngalokungenetisi. -Uyatiphindzaphindza, ahle aphuma nasesihlokwani anhlahlatsa. -Imibono ayijuli, inchazelo yesihloko inemaphutsa -Imibono ayikasekelwa ngekucaphuna encwadzi lefundvwako. - Incwadzi akayati kahle neluhlobo lwetemibhalo akaluvisisi kahle.	Lokuyincenye 3–3½ Emamaki	-Indzaba yetfulwe ngalokungenelisi -Kweswelakala kwesakhiwo kwenta imibono ingalandzeleki. -Lamaphutsa lamanyenti avele ente le eseyi ibe ngumbhalo longakaphumeleli.
Lizinga 1 0%–29 %	Akunamphumelelo 0-4 Emamaki	-Imphendvulo inako kuhambelana nesihloko kodvwa imibono ilandzeleka kalukhuni. -kulesinye sikhatsi ayihambelani nesihloko. -Umbuto awukaphendvuleki ngendlela lefanele . -Imibono leminyane lekhona ayikasekelwa ngekucaphuna encwadzi lefundvwako. -Kuvisisa luhlobo lwetemibhalo noma incwadzi lefundvwako kusezingeni leliphansi kakhulu.	Akunamphumelelo 00–02 Emamaki	-Kulukhuni kubona kutsi uphendvula ngesihloko labutwe ngaso. - Kute luhlaka nesakhiwo -Kute tindzima noma kuchumana kwetindzima noma kwemicondvo. - Lizinga lekusebentisa lulwimi liphasi kakhulu. - Ithoni nesitayela akukasebentiseke kahle.

[25]

SAMBA: 80